

松翁近稿

松

翁

近

豪

上虞羅氏印

松翁近稿敘目

往歲庚申徇兒輩之請編第平生文字四百八十首分甲乙丙丁四編爲永豐鄉人稿由庚申至今忽又六年所作又得五十
九首又檢笥得舊作三篇合之總爲篇六十二編爲松翁近稿
溯自辛亥避地迄於返國十餘年來九死餘生恨不立槁而留
此羽毛得毋多事嗚呼長夜悠悠人間何世異代知我倘有其
人濡管綴辭爲之長喟乙丑仲冬松翁書

道德經考異序

南華真經殘卷校記序

抱朴子殘卷校記序

劉子殘卷校記序

魏書宗室傳注序

史料叢刊序

重訂紀元編序

璽印姓氏徵序

增訂歷代符牌圖錄序

雪堂藏古器物目錄序

敦煌零拾序

集殷虛文字楹帖序

古玉圖譜序

璽印姓氏徵跋

詩豳風殘卷跋

老子義殘卷跋

唐律殘卷跋

後唐天成殘曆跋

後晉天福殘曆跋

宋淳化殘曆跋

秦婦吟跋

俚曲三種跋

佛曲三種跋

貞觀政要殘卷跋

臣軌跋

食醫心鑑跋

演揲兒法三種跋

四夷館考跋

大統曆跋

江村書畫目跋

說文古籀補跋

續百家姓印譜跋

西夏印譜跋

高郵王氏遺書跋

大理寫經跋

秦公敦跋

漢安國侯虎符跋

袁敞殘碑跋

黃腸石拓本跋

魏正始石經殘石跋

後魏元彬墓誌跋

穆亮墓誌跋

元懷墓誌跋

元騰墓誌跋

元譙墓誌跋

元昭墓誌跋

元乂墓誌跋

元悌墓誌跋

元遼墓誌跋

元誨墓誌跋

元玕墓誌跋

北海王妃墓誌跋

元珽妻墓誌跋

樂安王妃墓誌跋

穆紹墓誌跋

刁遵墓誌跋

周寇嶠妻墓誌跋

隋啓法寺碑跋

唐泉男生墓誌跋

彌勒下生成佛經跋

范母顏宜人家傳

山陽杜公墓誌銘

序目

大興縣志

卷之四

黃州府志

卷之五

黃州府志

卷之六

黃州府志

卷之七

黃州府志

卷之八

黃州府志

卷之九

黃州府志

卷之十

黃州府志

卷之十一

黃州府志

卷之十二

黃州府志

卷之十三

黃州府志

卷之十四

黃州府志

卷之十五

松翁近稿

上虞 羅 振玉

道德經考異序

弱冠讀老子得鎮洋畢氏考異而善之以爲諸本異同殆盡於是矣已而得開元御注石本以校畢書則異同之處或出或否大率采二三而遺六七始知考異詳於宋元諸本而忽於唐本蓋猶非善之善者也嗣讀鐵橋漫稿中有答徐星伯先生書言作老子唐本考異據易州本傅奕本明皇注本與釋文互校知鐵橋先生曾依據唐刻別爲考異然求之三十年不可得殆書成未刊也予早歲曾手校御注本異同於畢本上以補其闕遺後又得景龍本廣明本亦先後加入逮光宣間西陲古籍流布人間得老子殘卷數十行去年春更得殘卷六又從法京影道德經義疏從定州王氏

影六朝寫本殘卷亦得卽校錄東友狩野教授直喜曩游英京於英倫圖書館校唐本殘卷予往歲手錄存之近又得景福石本於是予先後所見石本四六朝及唐殘卷十上下二經八十一章中未見唐鈔者才四章耳往歲所記在書眉字隙旁午不可讀頃乃清寫於王注本之上蓋傳世老子王注爲古陸氏作釋文亦依王本然釋文所出王本與今多異知今本多改字且有奪漏予乃根據陸氏一一訂正俾還舊觀然後備列諸本異同以便觀覽復命兒子福葆別紙寫爲考異二卷唐以後諸本不復闌入期與畢書相輔而行並以補嚴書不傳之憾惟英法兩京所藏老子殘卷予未見者尙七八卷又聞某氏藏老子全卷亦苦不得寓目所冀東西列邦學者就其所見以補苴予書亦如予之於畢氏此則予之志也癸亥二月

南華真經殘卷校記序

敦煌唐寫本莊子殘卷五曰肱篋存後半藏英倫博物館曰刻意
曰山木曰徐無鬼藏巴黎圖書館刻意篇首尾完具山木篇前缺
二三十行徐無鬼篇存後少半曰田子方藏予家存前半往歲刻
意山木徐無鬼三篇既付影印別記其與今本異同之字於書眉
肱篋則日本狩野博士直喜在英倫時手校予借錄入世德堂刊本
上茲以春晝漸長取舊校寫爲一卷並補校田子方篇一夕而竟
去年冬在春明見蜀中顧氏藏某篇未及寫影已售歸海東嘗謂
文字之事亦有前緣有遠在重瀛而得之近在眉睫而失之者字
內博雅君子倘就其所見爲之校記以補予之所不及則予之所
厚望也已癸亥二月

抱朴子殘卷校記序

敦煌石室本抱朴子殘卷存暢玄第一論仙第二對俗第三凡三篇論仙對俗二篇均完善暢玄篇則前佚十餘行書迹至精不避唐諱乃六朝寫本也卷藏皖江孔氏乃割第一篇以贈定州王氏餘二篇又以售於海東辛酉冬予曾從孔氏借觀寫影存之並取校孫淵如觀察刊本異同處多至三百餘其書題作論仙第二下空二格接書抱朴子內篇又空一格書丹陽葛洪作乃小題在上大題在下而撰人名又在大題之下洪自序稱內篇二十卷故舊唐書經籍志及各家書目均作二十卷然此三篇共在一卷中惜前後題均不可見不知如何分卷然非篇爲一卷則無疑也序文及各家書目二十卷殆二十篇之譌歟孫氏本出於道藏卷一序題下書疲六卷三書題下書疲七卷五書題下書疲八卷七至二十書題下書守一至守十一蓋分卷十四殆亦非復六朝之舊矣

去冬念此卷既入市舶影本幸存欲寫定所校爲校記牽於人事不果斯願新歲小病鍵戶不出乃以三日之力錄付梓人以傳藝林則斯卷雖亡不啻存也書以記其始末癸亥正月

劉子殘卷校記序

敦煌唐寫本劉子殘卷起去情第四之後半訖思順第九之前半每行十五六字書勢頗縱逸有褚薛遺意與經生書體謹飭者不同殆出初唐人手此書唐志稱梁劉勰撰宋志作北齊劉晝撰

四庫全書總目謂當出貞觀以後訖莫能定爲誰何惜此卷前題已闕不可考矣然此本寫於盛唐且遠及邊裔其爲六朝人舊箸可知隋書經籍志子部論諸家得失與此書九流篇略合館臣遂疑隋志若襲用其說不應反不錄其書所疑固當然安知非史臣一時漏略致未箸錄非有意遺之耶至其卷數新舊唐志作十卷

宋志作三卷鼂氏讀書志作五卷今通行本十卷諸子賞奇本五
卷子彙本二卷此卷雖標題已佚而已至第九篇則原書非三卷
則五卷矣壬戌秋得此於江陰何氏索居無俚校其異同於明人
子彙本上並以別紙遣兒子福葆錄爲校記一卷以授梓人癸亥
二月

魏書宗室傳注序

予弱冠有校勘全史之志苦一人見聞有限乃與黃仲弢提學謀
分任之定校勘爲二類一取宋元槧校勘一仿元史本證例以本
史紀傳表志互校提學任前四史校以宋元本予用本證例校前
五史提學之書竟不克就予先成五史斟議將繼是而校魏書既
如前五史以傳紀諸志互校復取北史比勘惟魏書多佚卷且有
佚葉非兼據宋槧善本校之不可友人因以粵中新刻王益吾祭

酒魏書校勘記見贈其自序謂見宋本力不能致因與同輩分校於毛本上不啻人得一宋本予取以校南監本則與宋槧合者固什九祭酒不知也則是但可云毛本正誤而已且所見宋本亦有佚葉求未佚者垂三十年卒不可得舊稿遂置篋中近年洛陽出元魏宗室墓誌數十每得墨本輒取史傳比勘於道武七王廣平王連佚篇中補元纂弟倪倪子玕於孝文五王廣平王懷傳佚葉中補嗣王悌范陽王誨其他傳誌異同甚多舉其厓略如神元平文子孫傳元珍字金省誌作字金雀昭成子孫傳常山王遵後嗣陪斤傳稱坐事國除而陪斤子昭墓誌則稱陪斤爲常山簡王是爵未除且予謚也道武七王傳陽平王熙孫吐萬傳稱早卒贈晉陽順侯而吐萬子顯誌作淮南王又河南王曜後嗣廋傳稱其出爲東秦州刺史建義中卒於州而誌則載其出爲東秦州刺史改

北華州刺史薨於河陰鸞駕之右太武五王傳廣陽王建閭孫深
肅宗紀及中山王熙傳均作淵誌亦作淵知作深乃後世避唐諱
所改景穆十二王傳陽平王新成子順諡莊王而陽平王太妃李
氏墓誌則作惠王又元衍傳稱封鉅平縣公誌作鉅平縣侯諡文
懿傳又失書其諡京兆王子推後嗣遲封汝陽王子冲襲今元曄
誌作諱曄字子冲是傳當作子子冲襲廣平王洛侯傳後改封濟
南王第四子獻襲齊受禪爵例降今洛陽出濟南王獻墓誌蓋文
曰魏故濟南王元獻銘記北史獻子祖育襲武定初墜馬薨子勒
义襲齊受禪爵例除是獻卒於魏其入齊除爵者獻孫勒义也昭
成子孫傳元昭小字阿倪不及其字誌作字幼明景穆十二王傳
南安王楨孫熙熙子景獻誌作諱曄字景獻東平王略子景式略
誌作世子規字景式樂陵王胡兒以兄子永全襲後改名思譽誌

作諱思字永全思譽子景略字世彥誌作諱彥字景略安定王後
嗣珍平誌作諱珽字珍平獻文六王傳彭城王後嗣浮陽王剛弟
質誌作諱文字思質又劭弟子正不舉其字宣武王妃李氏誌作
子正字休度傳誌均不同北海王詳子顥顥弟瑱字寶意北史瑱
作瑱誌作諱瑱字幼明與北史合而字則異顥瑱之死據孝莊紀
並在永安二年七月顥誌作永安三年七月廿一日瑱誌作永安
三年七月廿九日傳誌並相差至一年彭城王勰傳載勰以永平
元年九月被殺不書其日世宗紀作九月戊戌誌作己亥相差一
日子既一一據以校訂復取舊校先將宗室傳寫定並錄其全文
爲注十二卷周氏嘉猷舊撰南北史世系表依據南北史而未校
以各專史脫漏甚多予往歲嘗爲增補爰先寫定魏宗室世系表
一卷與注並行方今中州古刻日出不窮剗劂之事意猶有待而

四方友人知予爲此索觀者衆因先付排印以代傳鈔續有所見當別爲補遺回憶校史之約勿勿已三十餘年人事牽阻所成僅此仲弢墓木已拱而予亦年垂耳順矣讀莊生有涯而知無涯之言爲之長喟當世方雅幸裁正之甲子六月

史料叢刊序

壬戌春予既得大庫史料謀籌金築館以貯之而力未逮乃權賃僧寺暫安置之充閭塞牖不可展閱而四方友人多移書問其中所有苦無以應乃運其少半至津沽以數月之力檢理其千百之一二沈乙庵尙書聞而欣然函問何時可畢事予報書曰檢理之事以近數月爲比例十夫之力約十年當可竟顧檢查須曠宅就理者須部署皮置均非建專館不可顧以前稱貸既竭吾力將何從突兀見此屋耶卽幸一二年間此屋告成天假我年俾得竟清

釐之事典守傳布又將於誰望之私意此事竟非一二人之力所能及而又何能執塗人而語之若得三五同志協力圖之一面鳩金建築一面貸大屋從事檢理檢理所得隨時刊布假以月成百紙計則十年得萬餘紙是檢理告終緊要史材亦得大要矣雖然茫茫人海何從竟得其人亦託諸空言而已尙書復書曰尊論不刊天壤之大德必有鄰鄙人將傳布公旨冀以殘年得觀盛事乃未幾而尙書遽歸道山益無可與謀此者去年夏予旣叛東方文化學會印刷局乃寫定史料之已檢理可校寫者二十有二種付之手民顏之曰史料初編當繼是而二三以至十百然固非予力所能任也而尙書所謂德隣者將旦夕遇之耶抑畢吾世不可邁耶予且企足以俟之矣書成爰弁言於首王觀堂徵君曾爲作庫書樓記並揭之卷端俾寰宇學者知此事顛末焉甲子六月